

**ილიას სახელმწიფო უნივერსიტეტში მეცნიერებათა და ხელოვნების ფაკულტეტზე
2013–2014 სასწავლო წლის შემოდგომის სემესტრისათვის მაგისტრატურის
საფეხურზე მიღების გამოცხადების, სწავლის გაგრძელების მსურველთა
რეგისტრაციის ვადების, გამოცდის თარიღისა და წარმოსადგენი დოკუმენტაციის
შესახებ**

„უმაღლესი განათლების შესახებ“ საქართველოს კანონის 22-ე მუხლის პირველი პუნქტის, საქართველოს განათლებისა და მეცნიერების მინისტრის 2012 წლის 6 ნოემბრის №235/ნ ბრძანებით დამტკიცებული ა(ა)იპ ილიას სახელმწიფო უნივერსიტეტის წესდების მე-17 მუხლის პირველი და მეორე პუნქტის, საქართველოს განათლებისა და მეცნიერების მინისტრის 2009 წლის 22 აპრილს №227 ბრძანებით დამტკიცებული „სამაგისტრო გამოცდების ჩატარების დებულებისა და სახელმწიფო სასწავლო სამაგისტრო გრანტის განაწილების წესის დამტკიცების შესახებ“ 29-ე მუხლის საფუძველზე, მეცნიერებათა და ხელოვნების ფაკულტეტის დეკანის მოვალეობის შემსრულებლის ლელა ხომერიკის 2013 წლის 4 ივნისის №03-9602/13 სამსახურებრივი ბარათის, უნივერსიტეტის ხარისხის უზრუნველყოფის სამსახურის უფროსის ნინო ჟვანიას 2013 წლის 17 ივლისის №03-11162/13 სამსახურებრივი ბარათის საფუძველზე

ვბრძანებ

1. გამოცხადდეს მიღება 2013-2014 სასწავლო წლის შემოდგომის სემესტრისათვის ილიას სახელმწიფო უნივერსიტეტის მეცნიერებათა და ხელოვნების ფაკულტეტის მაგისტრატურის საფეხურზე დანართი №1-ში მითითებულ პროგრამებზე.
2. 2013-2014 სასწავლო წლის შემოდგომის სემესტრში ილიას სახელმწიფო უნივერსიტეტის მეცნიერებათა და ხელოვნების ფაკულტეტზე მაგისტრატურის საფეხურზე სწავლის გაგრძელების მსურველმა მაგისტრანტობის კანდიდატებმა განაცხადი უნდა გააკეთონ 2013 წლის 1 აგვისტოდან 30 აგვისტოს ჩათვლით, ყოველდღე შაბათ-კვირის გარდა 10:00 საათიდან 18:00 საათამდე.
3. მაგისტრანტობის კანდიდატმა რეგისტრაციისათვის უნდა წარმოადგინოს:
 - ა) განაცხადი;
 - ბ) პირადობის მოწმობა და მისი ასლი;
 - გ) საერთო სამაგისტრო გამოცდის სერთიფიკატი, ასეთის არარსებობის შემთხვევაში-სამაგისტრო საგამოცდო პლასტიკური ბარათი და მისი ასლი;
 - დ) ორი ფოტოსურათი და ელ.ვერსია ელექტრონულ მატარებელზე(CD);
 - ე) უმაღლესი განათლების დამადასტურებელი დოკუმენტის - დიპლომის სანოტარო წესით დამოწმებული ასლი, ან შესაბამისი უმაღლესი საგანმანათლებლო დაწესებულების მიერ გაცემული ცნობა შესაბამისი ხარისხის მინიჭების შესახებ;

ვ) სამხედრო აღრიცხვაზე ყოფნის დამადასტურებელი დოკუმენტი(მხოლოდ ვაჟებისთვის).

ზ) ესე, თუ შესაბამისი პროგრამა ამას მოითხოვს.

4. 2013-2014 სასწავლო წლის შემოდგომის სემესტრისათვის ილიას სახელმწიფო უნივერსიტეტის მაგისტრატურაში სწავლის გაგრძელების მსურველ რეგისტრაციაგავლილ მაგისტრანტობის კანდიდატებს გამოცდა ჩაუტარდეთ 2013 წლის 3,4 და 5 სექტემბერს.

5. ილიას სახელმწიფო უნივერსიტეტის მეცნიერებათა და ხელოვნების ფაკულტეტს, დაევალოს 2013 წლის 7 სექტემბერს გამოცდებგავლილ მაგისტრანტობის კანდიდატთა შეფასებები განათავსოს უნივერსიტეტის ვებ-გვერდზე.

6. მაგისტრანტობის კანდიდატმა საპრეტენზიო განაცხადი ილიას სახელმწიფო უნივერსიტეტის მიერ ჩატარებული გამოცდის შედეგების შესახებ უნდა წარადგინოს უნივერსიტეტში 2013 წლის 9 სექტემბრიდან 11 სექტემბრის ჩათვლით 10:00 საათიდან 18:00 საათამდე.

7. ილიას სახელმწიფო უნივერსიტეტის მეცნიერებათა და ხელოვნების ფაკულტეტს დაევალოს მიაწოდოს სამდივნოს უნივერსიტეტის ვებ-გვერდზე განთავსების მიზნით 2013 წლის 12 სექტემბერს გამოცდებგავლილ მაგისტრანტობის კანდიდატთა შეფასებები და სამაგისტრო გამოცდების კოეფიციენტებით რანჟირების დოკუმენტი აპელაციის შედეგების გათვალისწინებით.

8. იმ მაგისტრანტობის კანდიდატებთან ხელშეკრულების გაფორმება, რომლებმაც წარმატებით გაიარეს ერთიანი სამაგისტრო და შიდასაუნივერსიტეტო გამოცდები და სამაგისტრო გამოცდების კოეფიციენტებით რანჟირების დოკუმენტის მიხედვით მოიპოვეს ილიას სახელმწიფო უნივერსიტეტის სამაგისტრო საფეხურზე სწავლის გაგრძელების უფლება, დაიწყება 2013 წლის 13 სექტემბრიდან და გაგრძელდება 18 სექტემბრის ჩათვლით (13-16 სექტემბერი ძირითადი სია, 17-18 სექტემბერი - დამატებითი სია), ყოველდღე შაბათ-კვირის გარდა 10:00 საათიდან 18:00 საათამდე.

9. მაგისტრანტობის კანდიდატს ხელშეკრულების გასაფორმებლად წარმოდგენილი უნდა ქონდეს ამ ბრძანების მესამე პუნქტით დადგენილი ყველა დოკუმენტაცია და ამ ბრძანების მე-8 პუნქტით განსაზღვრულ ვადებში უნდა გააფორმოს უნივერსიტეტთან ხელშეკრულება.

10. მეცნიერებათა და ხელოვნების ფაკულტეტს დაევალოს მაგისტრანტობის კანდიდატებთან ხელშეკრულების გაფორმების უზრუნველყოფა მხოლოდ კოეფიციენტებით რანჟირების დოკუმენტისა და ამ ბრძანების მე-3 პუნქტით

გათვალისწინებული დოკუმენტაციის საფუძველზე.

11. მეცნიერებათა და ხელოვნების ფაკულტეტს დაევალოს შესაბამისი ოთახის გამოყოფა მაგისტრატურის საფეხურზე სწავლის გაგრძელების მსურველ მაგისტრანტობის კანდიდატებისათვის განაცხადის გასაკეთებლად, საპრეტენზიო განაცხადების მისაღებად, გამოცდის ჩასატარებლად და იმ მაგისტრანტობის კანდიდატებთან ხელშეკრულების გასაფორმებლად, რომლებმაც წარმატებით გაიარეს ერთიანი სამაგისტრო და შიდასაუნივერსიტეტო გამოცდები და სამაგისტრო გამოცდების კოეფიციენტებით რანჟირების დოკუმენტის მიხედვით მოიპოვეს ილიას სახელმწიფო უნივერსიტეტის სამაგისტრო საფეხურზე სწავლის გაგრძელების უფლება.

12. მეცნიერებათა და ხელოვნების ფაკულტეტს დაევალოს ამ ბრძანების მე-11 პუნქტში მითითებული ოთახის შესახებ ინფორმაცია განათავსოს უნივერსიტეტის ვებ-გვერდზე.

13. მეცნიერებათა და ხელოვნების ფაკულტეტს დაევალოს ამ ბრძანების მე-11 პუნქტში მითითებული ოთახის შესახებ ინფორმაცია მიაწოდოს კანცელარიას.

14. ის მაგისტრანტობის კანდიდატები, რომლებიც ამ ბრძანების მე-8 პუნქტით დადგენილი ვადაში არ გამოცხადებიათ უნივერსიტეტში და არ გაივლიან რეგისტრაციას, კარგავენ უნივერსიტეტში ჩარიცხვის უფლებას, გარდა საქართველოს კანონმდებლობით გათვალისწინებული შემთხვევებისა.

15. მეცნიერებათა და ხელოვნების ფაკულტეტს დაევალოს უნივერსიტეტის რექტორს 2013 წლის 19 სექტემბრის ჩათვლით წარუდგინოს იმ მაგისტრანტობის კანდიდატთა სია, ვინც გააფორმა უნივერსიტეტთან ხელშეკრულება.

16. მეცნიერებათა და ხელოვნების ფაკულტეტს და უნივერსიტეტის სამდივნოს დაევალოს ამ ბრძანების გამოქვეყნება უნივერსიტეტის ვებ-გვერდზე.

17. უნივერსიტეტის კანცელარიას დაევალოს ამ ბრძანების დაინტერესებულ პირთათვის საჯარო წესით გაცნობა.

18. უნივერსიტეტის კანცელარიას დაევალოს, მიაწოდოს ამ ბრძანების ასლები სამდივნოს, ხარისხის უზრუნველყოფის სამსახურს, იურიდიულ სამსახურს, მეცნიერებათა და ხელოვნების ფაკულტეტს.

რექტორი

გიგი თევზაძე